



Polisi Gweinyddu Meddyginiaeth

Mae Confensiwn y Cenhedloedd Unedig ar Hawliau'r Plentyn (CRC) yn ganolog i gynlluniau, polisiau, arfer ac ethos ein hysgol. Fel Ysgol sy'n Parchu Hawliau rydym yn addysgu am hawliau plant a hefyd yn modelu hawliau a pharch ym mhob perthynas.

Polisi Gweinyddu Meddyginiaeth

Cyflwyniad

Mae'r Ddeddf Gwahaniaethu ar Sail Anabledd yn gofyn i ysgolion wneud addasiadau rhesymol er mwyn diwallu anghenion plant ag anableddau. Mae hyn yn cynnwys plant ar feddyginiaeth tymor hir a thymor byr.

Mae'r polisi hwn er mwyn sicrhau bod plant ag anghenion meddygol yn derbyn gofal priodol ac yn derbyn cefnogaeth yn yr ysgol.

Mae'n hanfodol fod pob rhiant, nid yn unig y rhai hynny sydd â phlant ag anghenion meddygol, yn deall ein polisi a'r hyn y gallwn gymryd cyfrifoldeb amdano. Y prif rai yw:

- Gweithdrefnau ar gyfer rheoli meddyginiaethau ar bresgripsiwn ar wibdeithiau a thu allan i'r ysgol.
- Rolau a chyfrifoldebau staff sy'n rheoli ac yn goruchwyllo rhoi meddyginiaeth.
- Cyfrifoldebau rhieni o ran anghenion meddygol eu plentyn.
- Yr angen am gytundeb ysgrifenedig gan rieni cyn y gellir rhoi meddyginiaeth.
- Yr amgylchiadau pan ellir rhoi meddyginiaeth nad yw ar bresgripsiwn.
- Polisi helpu plant i gario a rhoi eu meddyginiaethau eu hunain.
- Hyfforddi staff.
- Cadw cofnodion.
- Storio diogel.
- Mynediad i weithdrefnau brys.
- Gweithdrefnau asesu a rheoli risgiau.

Rheoli meddyginiaeth yn yr ysgol

Byddwn yn ymdrechu i roi meddyginiaeth ar bresgripsiwn a meddyginiaeth nad yw ar bresgripsiwn, os yw'r angen yn angen tymor hir neu dymor byr, ond mae'n rhaid dilyn y gweithdrefnau canlynol ar gyfer rheoli meddyginiaeth tra ei bod yn yr ysgol a thra bod gennym ddyletswydd gofal dros y plentyn. Mae hyn yn cynnwys:

- Cyflenwi (gan rieni)
- Storio
- Gweinyddu
- Gwaredu

Cyflenwi

Cyn rhoi meddyginiaeth i unrhyw blentyn mae'n rhaid i ni gael cytundeb ysgrifenedig gan y rhieni. Mae'n rhaid i'r cytundeb hwn gynnwys enw'r plentyn, enw'r feddyginiaeth, y dos sydd ei angen a'r amser y cytunwyd arni ar gyfer rhoi'r feddyginiaeth. Mae'n rhaid hefyd nodi'n glir a fydd y feddyginiaeth yn parhau neu a fydd yn dod i ben ar ddyddiad penodol. Mae'n rhaid rhestru unrhyw sgîl effeithiau a/neu mae'n rhaid i'r daflen wybodaeth, sydd fel arfer yn cael ei darparu gan y gwneuthurwr, fod ar gael.

Dylai'r rhieni ddod â'r feddyginiaeth i'r ysgol a'i rhoi i'r athro dosbarth/athrawes ddosbarth a ddylai gofnodi ei bod wedi cael ei derbyn.

Mae'n hanfodol ein bod yn derbyn meddyginiaeth sydd yn y cynhwysydd gwreiddiol gyda'r label gwreiddiol.

Bydd yr athro dosbarth/athrawes ddosbarth sy'n derbyn y feddyginiaeth yn gwirio fod y label yn nodi enw'r plentyn, fod y dos a nodwyd gan y rhieni yn cyfateb â'r hyn sydd ar y label a bod y feddyginiaeth o fewn y dyddiad darfod. Pan fydd y feddyginiaeth ar ffurf tabledi neu gapsiwlau, byddant yn gwirio'r nifer a ddarparwyd.

Storio

Gellir dosbarthu meddyginiaeth fel sylweddau peryglus i iechyd ac felly gellir eu storio'n ddiogel. Rydym yn ymwybodol bod rhaid storio rhai ar dymheredd penodol neu mewn tywyllwch. Mae'n rhaid i'r wybodaeth hon fod ar label y feddyginiaeth ac ym mhamffled gwybodaeth y gwneuthurwr. Bydd y rhan fwyaf o feddyginiaethau'n cael eu cadw mewn cwpwrdd dan glo. Bydd yr allwedd yn cael ei gadw'n ddiogel, ond bydd y plant yn gwybod ble mae eu meddyginiaeth a phwy all gael mynediad iddi.

Os oes angen cadw'r feddyginiaeth yn oer, yna bydd yn cael ei gadw yn yr oergell yn yr ystafell athrawon lle na all plant gael mynediad hawdd iddi. Fel arall, bydd meddyginiaethau'n cael eu cadw mewn cynhwysydd aerglos a labelwyd er mwyn eu cadw ar wahân i fwyd.

Ni fydd meddyginiaeth brys megis pennau adrenalin (ar gyfer plant sy'n dioddef o alergeddau) a mewnanadlwyr asthma yn cael eu cadw dan glo gan y bydd angen mynediad cyflym ar blant i'r rhain.

Mae holl staff yr ysgol wedi derbyn hyfforddiant ar ddefnyddio epipen. Maent hefyd wedi derbyn gwybodaeth am weithdrefnau mewn argyfwng. Bydd cyflawniad tasg addas yn cael ei gwblhau ar gyfer ei ddefnyddio. Nid yw'n rhan o ddyletswyddau statudol athrawon ond rydym yn ymdrechu i'w cyflawni. Mewn rhai amgylchiadau, gellir dirprwyo gweinyddiaeth i gynorthwyydd cefnogi. Pan na fydd yr athro/athrawes na chynorthwy-ydd cefnogi yn bresennol, bydd y pennaeth, y dirprwy bennaeth neu unrhyw athro/athrawes arall yn rhoi'r feddyginiaeth (e.e. pennau adrenalin) gan eu bod wedi derbyn hyfforddiant gan weithwyr iechyd proffesiynol sy'n gweithio gyda'r ysgol/plentyn.

Gweinyddu

Fel rheol cyffredinol, cyn gweinyddu meddyginiaeth i blentyn, bydd yr aelod o staff yn:

- Golchi eu dwylo
- Sicrhau bod diod ar gael os oes angen (gall rhai tabledi niweidio'r llwnc a'r bibell fwyd os byddant yn cael eu llyncu heb ddiod)
- Gwirio label y feddyginiaeth: Enw'r plentyn, y dos, sut mae rhoi'r feddyginiaeth (e.e. yn y geg, i'r glust/llygad, ei rwbio ar y croen), unrhyw gyfarwyddiadau arbennig a dyddiad dod i ben. Cyfrifoldeb y rhieni yw sicrhau nad yw dyddiad y feddyginiaeth wedi dod i ben. Os oes unrhyw amheuaeth am unrhyw weithdrefn, ni ddylai'r staff rhoi'r feddyginiaeth, ond dylent ofyn am gyngor gan y rhieni neu weithwyr iechyd proffesiynol.

Os bydd plentyn yn gwrthod y feddyginiaeth, ni fydd yn cael ei orfodi. Bydd staff yn ceisio ei annog neu efallai yn gofyn i rywun allan roi cynnig arni. O dan unrhyw amgylchiadau, ni fyddwn yn ceisio cuddio'r feddyginiaeth mewn bwyd neu ddiod oni

bai bod gennym ganiatâd y rhieni i wneud hynny.

Ein cyfrifoldeb dros weinyddu meddyginiaeth

Rydym yn ystyried rhoi meddyginiaeth yn gudd yn arfer gwael, er, mewn achosion prin pan fydd y gweithwyr iechedd proffesiynol yn barnu ei fod yn fuddiol i'r plentyn i wneud hynny, bydd hyn yn dderbyniol. Mae rhai plant yn cael trafferth llyncu tabledi, felly gellir eu rhoi iddynt, gyda'u cytundeb, mewn, er enghraifft, lwyaid o jam. Yn yr amgylchiadau hyn, mae'n rhaid i rieni roi cyfarwyddiadau ysgrifenedig. Gan y gall rhai meddyginiaethau adweithio â bwydydd penodol, fe'u cynghorir i geisio derbyn cyngor gan eu fferyllydd, a yw'r weithdrefn hon yn dderbyniol. Weithiau bydd camgymeriadau'n digwydd. Yn y rhan fwyaf o achosion, os bydd dos yn cael ei golli, neu os bydd meddyginiaeth yn cael ei rhoi ar gam, ni fydd unrhyw niwed yn cael ei wneud. Dylid cysylltu â'r rhieni ac esbonio'r camgymeriad iddynt. Os bydd dos yn cael ei golli, gall fod yn bosib ei roi ar adeg arall. Pan fydd dos yn cael ei roi ar gam, mae'n bwysig bod y plentyn yn cael ei fonitro am unrhyw adweithiau a byddwn yn gofyn am gyngor meddygol os oes unrhyw bryderon gennym.

Gwaredu

Weithiau, bydd tabledi a phils yn cael eu gollwng ar y llawr, neu cael eu poeri allan. Yn yr achosion hyn, bydd tabledi'n cael eu gosod mewn amlen wedi'i labeli, a'u dychwelyd i'r rhieni. Ni fyddant yn cael eu rhoi i lawr y tŷ bach nai roi yn y bin o dan unrhyw amgylchiadau.

Pan fydd plentyn yn gadael yr ysgol, pan na fydd angen meddyginiaeth ar y plentyn bellach, neu os bydd dyddiad y feddyginiaeth wedi dod i ben, bydd unrhyw feddyginiaeth nad yw wedi cael ei defnyddio yn cael ei dychwelyd i'r rhieni. Os nad yw hyn y bosib, byddwn yn ei roi i fferyllydd i gael gwared arno.

Mwy o wybodaeth

Mae'r AdAS a'r Adran Iechyd wedi creu'r ddogfen 'Rheoli Meddyginiaethau mewn Ysgolion a Sefydliadau Blynyddoedd Cynnar' ar y cyd, y gellir ei lawrlwytho o:
www.teachernet.gov.uk/wholeschool/healthandsafety

Mabwysiadu'r Polisi

Dyddiad Mabwysiadwyd gan y Corff Llywodraethol: 10/3/21

Dyddiad Ardystiwyd gan y Corff Llywodraethol: 10/3/21

Llofnod Cadeirydd y Llywodraethwyr: